




Republika e Kosovës
Republika Kosova - Republic of Kosovo



KOMISIONI I PAVARUR PËR MEDIA
NEZAVISNA KOMISIJA ZA MEDIJE - INDEPENDENT MEDIA COMMISSION

Shukri Sylejmani
Pronar
TV Men
T016
Gjilan

Vendimi LIC: 2008/07
Ref: 0807/1060/CIMC/II

1 gusht 2008, Prishtinë

VENDIM

Lidhur me kërkesën e TV Men-it për ndryshimin e kanalit të transmetimit dhe për ndryshim të lokacionit të sistemit të transmetimit .

Fakte

1. Më 19 korrik 2008, TV Men-i ka paraqitur një kërkesë tek Komisioni i Pavarur për Media (KPM) për ndërrimin e kanalit të transmetimit. Kjo kërkesë ishte bërë për faktin se në kanal 47 janë paraqitur ndërhyrje nga një subjekt transmetues të identifikuar si "TV Fox" që transmeton në të njëjtin kanal jashtë territorit të Kosovës.
2. Përmes të njëjtës shkresë, TV Men ka kërkuar nga KPM që t'i lejohet ndërrimi i lokacionit të sistemit të transmetimit për të kaluar me transmetim nga Maja e Gjëlber.

Arsyetim

3. Në bazë të matjeve të Divizionit të Menaxhimit Frekuencor (DMF) të bëra më 29 korrik 2008, vërehej se në kanal 47, kanal në të cilin transmetonte TV Men-i, kishte ndërhyrje të theksueshme. Prandaj DMF vjen në përfundim se mundësia e vetme për t'i ofruar zgjidhje të përkohshme TV Men-it deri në fazën e ri-licencimit është shfrytëzimi i kanalit 48 për transmetim.
4. Më 31 korrik 2008, zyrtarë të KPM-së janë takuar me pronarin e TV Men-it dhe e kanë njoftuar atë se kërkesa për ndërrim të lokacionit të sistemit të transmetimit paraqet ndryshime të theksueshme të Pjesës 2 dhe 4 të Licencës së KPM-së, dhe për ndryshime të tilla Këshilli i KPM-së, në takimin e mbajtur më 30 nëntor 2006, ka marrë vendim që të mos pranojë kërkesa deri në fazën e ri-licencimit.
5. Lidhur me propozimin e KPM-së, për ndryshimin e kanalit është pajtuar edhe pronari i TV Men-it, dhe me pajtueshmëri të Këshillit të KPM-së, nxirret:

VENDIM

që t'i lejohej TV Men-it transmetimi i programit në kanal 48 përkohësisht, vetëm deri në fazën e ri-licencimit.

6. Ndryshimi i përkohshëm i kanalit të transmetimit nuk do të reflektohet me ndryshimin e Hartës së Zonës së Licencuar (Pjesa 4), ndërsa përveç ndryshimit të kanalit, të dhënat në Pjesën 2 të licencës mbeten të njëjta.
7. Ndërsa, kërkesa për ndërrimin e lokacionit të sistemit të transmetimit të TV Men-it nuk aprovohet nga Këshilli i KPM-së.

Lëshimi i Vendimit

8. Me këtë KPM vërteton dhe lëshon këtë Vendim.

A. G. M.
Argjentina Grazhdani,
Kryesuese e Këshillit të KPM-së

11/08/07
Data

Vërtetim

Më këtë vërtetohet se Këshilli i KPM-së ka marrë këtë vendim në pajtueshmëri me rregulloret dhe ligjet e aplikueshme në Kosovë, dhe në pajtueshmëri me rregullat e procedurës së KPM-së.

N. Krasniqi
Naile Selimaj Krasniqi
Shefe Ekzekutive



01.08.08
Data